

# مکتبہ اسلامیہ

ادبی و سیاسی رسالہ اسبوعیہ در

۳۱ نجی سنہ

۱۹ شوال ۱۳۲۹

پچھنہ

جزو عدد : ۱۱۶

## سیونیستلر تشبثاتده

علمدار غزنه‌سی، پارس اخباراتی صرہ‌سندہ شویله یازبوردی: کچن کجه پارسک غرانده اوتلنده منعقد بر جمعیتده سلانیکلی (متر ساله‌م) ایله آلیانس ایزرائیلیت ریسی بانگر موسیو مودیانو و امثالی موسویلر طرابلس غربه عاند بعض مسائل اوزرینه اجرای مذاکرات ایلشدر .

بوجعیت، ای‌تالیا حکومتی طرفندن تکلیف اولنان ۶۰ میلیون فرانکی قبول ایله محاربه‌یه میدان ویرلامسی و دولت عثمانیه‌یه هجج بر منفعت تأمین ایتمیان و شمعی‌یه قدر آنجق ( منفا ) اولمقدن بشقه بر ایشه برامیان طرابلس غرب ایله بنغازینک ای‌تالیایه ترک ایدلسی حقنده دور و دراز مذاکرانده بولنمش، نتیجه مذاکراتی ناطق بر مضبطه تنظیمه سلانیکده منعقد اتحاد و ترقی قونفرسنه ارسالی تحت قراره ایلشدر .



تشرین اول افرنجینک ایکنجی بازار ایرتسی کجه‌سی غرانده اوتلک برنجی قائده کی ۶۰ نومرولی سالوننده صنایید یهوددن مرکب بر مجلس خصوصی انعقادیده رک، ای‌تالیانلرک ویرمک ایستدکلری ۶۰ میلیون فرانکی بدل ایله ملکک سیونیستلر طرفندن تعویضاً ای‌تالیایه اعطاسنی وایلروده طرابلس و بنغازیده سیونیست جمعیتی طرفندن اشترا و استمالک اولنه‌جق اراضی ایله محسوبنک اجراسنی مذاکره ایتمش و بونک اوزرینه هر ایکی حکومتده مراجعتله اساس مسئله حقنده مذاکره کیریشه بیله‌جک بر مرخص انتخاب و اعزامی قرارگیر اولشدر . مرخصلغه ده رجال عثمانیه عندنده بغایت مؤثر نفوذ و مرعی الحاطر اولان متر ساله‌م اتفاق آرا ایله انتخاب اولشدر .



لسان مطبوعاته دو شمش اولان شو ایکی روایت و حوادثک صحت و کذبسه عطف نظر ایتمکسزین بر قاج مادهمسی اوزرینه بیان مطالعه ایتک ایسترز :

برنجیسی ؛ دولت عثمانیه، اجزای مالکندن بروایت جسمیهی بوگون صاتیله می چیقارمشدرکه قیمتی ، و یا عوضی موضوع بحث اوله بیلور ؟

ایکنجیسی ؛ سلانیکلی یهودیلره بوجرات مافوق التصوری کیم بخش ایدیور ، بوکاری آنلره کیم تکلیف و یا تودیع ایدیور ؟

اوچنجیسی ؛ وطنی تهلکه انقراض و انقسامدن قورتارمق یولنده هر بلایی اقیام ایدن و مؤسسری رفیقار ، طلعتار ، ایوب صبریلر ، صلاح الدینلر کبی فداکاران حمیتدن اولان ( اتحاد و ترقی ) جمعیتک ، وطنی تهلکه حاضرمدن قورتارمیله جک اسباب و وسائلی مذاکره مقصدیله عقد ایلدیکی قونفرمه، و وطنک برقطه سنه تقدیر بها ایدن برشردمه سفیله نهجرآنله انهای مراسم ایده بیلور ؟

واقعا بو جمعیت فائزه به بعدالانقلاب بعض یهود داخل اولمش و خلط فاسد کبی عروق جمعیته حلول ایله خیلی نفوذ و تاثیر اجرا ایلش ایسه ده بوگون آنلرک ذره قدر حکمی قالماشدر . چونکه خلق بو عوامل مکروهه ایله طرفداراتی و کار و عمللری بک ایی طامیش و حقلمنده لازم کلان حکم نکالی چوقدن ویرمشدر .

دردنجیسی ؛ بومتر سالهم ، ترکجهسی بو (اوسته سالهم) کیمدر ؟ بو سالهم اودرکه تقسیم قشلهسی ایشنده هم مشتری و هم بایع صفتیله میدانه چیقمشدر . بو سالهم، اصلاً سلانیکلی، ولاده عثمانلی اولدینی حالده بوگون ایٹالیا تابعیتدهدر . بومتر سالهم اؤذاندکره بعض وزرا و کبرامزک جلیس و مستشیری وهدم وهمسیریدر .

فردای مشروطیتدن بری بر مسئله مالیه و اجتماعیه یوقدرکه سالهم افندی آکا پورتی صوقش اولسون . قشله صاتیلیر؛ سالهم افدینک پارمنی گوریلور، سلخانهلر یا بلق ایستور؛ سالهم افدینک مداخلهسی میدانه چیقار، یانغین اولور؛ قومیسونلرده سالهم افندی اثبات وجود ایدر، باندرمه - صومه خطی یابدیرلق

ایستور؛ ساله افندی آره به کیرمیجه نتیجه پذیر اولماز . حدیده - صنعا شمندوفری  
یا پدیریلیر؛ ساله افندی وساطت ایدر . فلسطین اراضیمی ، نام دیگر نجیب اصفر  
مستملکسی میدانه چیقار؛ آرقه سنده ساله افندی کیزلور . شمعی ده ایتالیا نلره  
طرابلسی صامق و ( صانار علی اوبوتی ) دهابیوک مقیاسده تنظیر ایتمک ایچون پارسده  
جمعیتر عقد ایدور و همشعاری بر قاچ کبار نی اسرائیلی پناه ایدینه رک جمعیت فائزه  
وطنیه نی لکدار ایتمک جسارتنده بولنیور .

مملکتیزک هر درلو اسرار و خفایای امورینه محرم ایدیلان بو آدم بزه :

بسله قارغیه نی گوزیکئی اویسون

منانی مخطر ایتدیر یور .

بونابوطن ، بور و به طبیعت حریرفلر ، فرانسزلرک :

C'est un serpent que j'ai rechauffé dans mon sein .

بو بر بیلاندرکه سینهمده ایصتدم .

دیدکلری ، اشخاص مضره نی تمثیل ایتمکده در .

